



関
焚
衆
品

125
2149
2



凡85
2149
2

雲棧紀程卷三

廣漢 張邦伸 雲谷編輯

自寶鷄至褒城

初五日由寶鷄南渡渭水水經注渭水出隴西首陽
縣渭谷亭南烏鼠山東北過襄武縣北又東過獮道
縣南又東過冀縣北又東過上邽縣北又東過陳倉
縣西蜀道驛程記何仲默云渭水在渭源縣甚清淺
又石子磊磊然至寶郿乃沛然成洪川也酈注渭水
又東與綏陽谿水合其水上承斜水水自斜谷分注

綏陽谿北屆陳倉入渭故諸葛亮與兄瑾書曰有綏陽小谷雖山崖絕重谿水縱橫難用行軍者邏候往來要道通人今使前軍斫治此道以向陳倉足以拔連賊勢使不得分兵東行蜀鑑曹操嘗語人曰南鄭直為天嶽中斜谷道為五百里石穴耳西都賦右界褒斜隴首之險郡國志北口曰斜南口曰褒長四百七十里同為一谷

薛瑄褒斜道中云褒斜一何長深谷自迤邐雲木青無邊羣峰各峻峙鳥道緣崖顛危棧駕江涘冥冥叫子規決決響溪水累日山峽中陟降亦勞只自我入蜀門今逾一年矣既乏督辦能兼負素餐恥而况髡髮蒼胡寧不知此上章乞解綬詔許感不已雖云此谷險且遂北歸

喜周京褒斜谷云閣道橫空去連峯疊嶂開地隨秦塞盡山自漢中來行蟻緣旋磨黏蝸上古臺當年轉戰處彌望滿蒿萊按斜谷在郿縣西南三十里秦惠王取蜀之道也漢高祖就封南鄭張良送至褒中說之以燒絕棧道備盜兵且示項羽無東意蓋棧道秦時已有之所謂范睢相秦棧道千里通于蜀漢者也漢高燒絕棧道因別開西路從故道北出以襲陳倉而棧道遂廢今所由陳倉道也由渭水南度清澗河蜀道驛程記又二三里過清澗河水特澄碧棧中煎茶坪以東諸澗之水滙為此河東下入渭溯清澗而上過益

門鎮鎮元平章李思齊築石壁峭絕往往瀑水成川
聲若奔霆一徑如髮明滅亂峯中為入棧之始馬埋

陝西通志益門山即秦嶺北巖之峪蓋由此入益故

曰益門在寶鷄縣西南何景明益門云益門通漢河棧閣上雲霄蜀道從茲始秦

川望已遙生風鄰虎穴廻日過龍標眇眇征途子雲

山誰見招王士正益門鎮云天險當秦鳳提封界雍

梁棧雲高不落隴樹曉還蒼古堠催征騎秋風弔戰

場山南明日路漸入武都羌許儒龍益門鎮云山寒

夕氣深樹豁陰霞歛循溪蹈沮如登又十五里至軍

棧歷崖厂頗聞冰雪多子亦試新險

陽灣一名和尚原宋史吳玠傳紹興元年金將沒立

自鳳翔別將烏魯折合自階成出散關約日會和尚

原烏魯折合先期至陣北上索戰玠命諸將堅陣待

之更戰迭休山谷路狹多石馬不能行金人舍馬步

戰大敗移砦黃牛會大風雨雹遂遁明年兀朮會諸

道兵十餘萬十月攻和尚原玠命諸將選勁弓強弩

分番迭射號駐隊矢連發不絕繁如雨注敵稍却即

以奇兵旁擊絕其糧道度其困且走設伏于神全以

待敵至伏發衆大亂縱兵夜擊大敗之文獻通考和

尚原在大散關之東距寶鷄兩驛為形勢必爭之地

此地一失則路逕散漫戎馬深入無所限隔紹興間

吳玠守之兵力雖足而糧運不繼蜀人困于轉輸議亦棄之而守仙人關十二年和議成卒割和尚原以遺虜鳳翔遂沒葉盛和尚原云和尚原頭日未西肩輿來此重攀躋可憐宋室功垂就不道金人計已迷往事已隨深谷變青山還與白雲齊道旁草樹淒風起疑是將軍鐵馬嘶又十里至二里關秦蜀後記二里關關隘險阻蛇徑縈迴峻阪上下按二里關即大散關魏武帝記公西征張魯至陳倉將自武都入氐氏人塞道先遣張郃朱靈等攻破之夏四月公自陳倉出散關諸葛亮傳亮復出散關圍陳倉曹真拒之亮糧盡而還魏將王雙率騎

追亮亮與戰破之斬雙宋中興四朝志大散關隸梁泉縣在鳳翔寶雞縣南為秦蜀往來要道兩山關控斗絕出可以攻入可以守實表裏之形勢也九域志嘉陵江出大散關南行劔門關東向閬州與涪水會禹貢錐指寶雞西南為鳳縣即漢故道縣屬武都郡縣東北大散嶺與寶雞分界嶺上有大散關當秦隴之會扼南北之交雍梁有事在所必爭水經注亦謂扞水東北歷大散關入渭則大散關為今二里關無疑胡德琳大散關云蜀門自此通谷口望若合日月互蔽虧陰陽隱開閭微徑臨深溪馬蹄畏虛踏泉

流亂石中砢吟肆擊磕時節已初春氣候如殘臘黃葉間青條風吹鳴颯颯時見採樵人行歌互相答

蜀道驛程記以鳳縣石關當之誤矣石關水名故道

水入嘉陵江不入渭又五里至觀音堂

李調元觀音堂云咫尺巖

關隴蜀分猿聲不住亂山聞店門人對千峯雪嶺表僧歸兩袖雲新險何勞頻躡躅故交偏足慰殷勤分明舊日酬詩處不忍重題五內焚 山水名扞水酈注渭水又與扞

水合水出周道谷北經武都故道縣之故城西王莽

更名曰善治也故道縣有怒特祠列異傳武都故道

縣有怒特祠神本南山大梓昔秦文公二十七年伐

之樹瘡隨合秦文公乃遣四十人持斧斫之猶不斷

疲士一人傷足不能去臥樹下聞鬼相與言曰勞攻

戰乎其一日足為勞矣又曰秦公必持不休答曰其

如我何又曰赤灰跋于子何如乃默無言臥者以告

令士皆赤衣隨所斫以灰跋樹斷化為牛入水故秦

為立祠其水又東北歷大散關而入渭又十里至半

坡舖即周道谷也秦蜀後記煎茶坪北五峯羅列宛

如佛手峯斷處有大壑泉出其上流為瀑布數折下

有危梁跨澗澗中水石擊撞隱鱗澎湃即其尾閭矣

又五里至煎茶坪陝西通志煎茶坪山在寶雞縣西

南六十里俗傳漢高祖引兵由故道出駐馬煎茶于
 此蜀道驛程記坪高出衆峯上俯視四山雲霧如沆
 漚一氣皆在足下循山麓而西稍有平田邨聚按煎
 茶坪一名煎茶嶺其山西橫隴坂東連太白高出雲
 表爲入棧第一雄塞王士正煎茶坪云大壑沉雲霧
 冥冥萬仞梯孤峯分隴漢兩水
 劃東西遙直金牛峽旁臨白馬氏當年誰設險不用
 一丸泥李調元煎茶坪云寒天飄衣裾悄悄日行邁
 涉險自茲始綠岡頻嘆嘯風濤怒激石霍雨溜松檜
 溪水澄上奔懸泉木末挂空山見雷鳴絕澗聞寒碓
 馬困坡路高僕愁危棧壞重林驚虎嘯穿樹逐猿背
 只暮逾層巔孤戍隱旌旆策馬下山岡遙村滿蒼翠
 山北之水北流入渭山南之水南流入嘉陵江又五

里至東河橋橋下水名故道水酈注故道川出陳倉
 縣大散關西南爲故道水明薛文清瑄詩水號嘉陵
 出散關是也水道提綱嘉陵江出鳳縣東北之嘉陵
 谷西流經東河驛西南行五里至江龍溝十里至石
 密舖五里至鮑家庄十里至黃牛堡李化楠自黃牛
 舖至鳳縣道中
 作云山斷尚有木木斷竟無支山木留缺陷行人命
 如絲我從東方來欲度良自疑立馬千仞岡俯聽水
 聲漸臨深兼履險轉足勢已危驅驅勿復顧幸得趨
 坦夷俄聞後來人一馬崖邊驟嗟哉行役子營逐徒
 爾爲我聞古君子道路以時治此地有良方輿紀要
 牧胡久不設施壁間留此語聊用相爲規
 黃牛堡在縣東北五代周顯德二年王景攻蜀入散

關拔黃牛等寨宋紹興三年金人大舉入寇徒單合喜扼大散關遊騎攻黃牛堡吳璘馳至殺金坪駐青野原援黃牛金人引却嘉定十一年金人入西和階成復犯黃牛堡吳政拒却之進軍大散關十二年吳政及金人戰于黃牛堡死之金人乘勝攻武休關是也

初六日西南行循故道水之東岸十五里至長橋方輿紀要長橋在鳳縣東北宋開禧三年楊巨源引兵復大散關與金人戰于鳳州之長橋卽此又西行過

青峯閣

何景明青峯閣曉霽云初日東峯上微微霽色分丹崖含宿雨青嶂拂歸雲候騎林端發鳴笳樹裡聞前山更可愛晴望碧氛氤

十里至紅花舖十里逕五里坡至草涼驛秦蜀後記青峯閣白水江源出其下西流入兩當按青峯閣諸水乃嘉陵江源非白水江源漁洋誤草涼驛傳爲明皇駐蹕之地卽漢故道縣故城也史記漢高祖從故道襲雍敗章邯于陳倉水經注故道水西南逕故道城東魏征仇池築以置戍與馬鞞山水合水東出馬鞍山歷谷西流至故道城東西入故道水今馬鞞山水在草涼驛東北合故道水則

草涼驛為漢故道城無疑也

王士正自長橋至草涼驛云西下嘉陵水彌彌

絲滿灘綠崖紅叱撥縈棧曲闌干九折行人少千峯落日寒不知投宿處樵響隔雲端又十五

里至五星臺按五星臺本黃花城故址方輿紀要黃

花城在縣北六十里漢故道縣地唐武德四年分梁

泉縣置以黃花川為名大歷中廢有黃花石五代周

顯德二年王景敗蜀兵于此又西行逕石關斗折臨

江號天險秦蜀後記過北星長橋登五星臺高際天

外下蟠地底箐林黝窈不寒而慄曹孟德謂為天獄

良然哉十五里至白家店本唐倉鎮故址周顯德二

年王景等伐蜀進至武威城蜀將李廷珪遣別將據

馬嶺寨又分兵出鳳州北唐倉鎮及黃花谷絕周糧

道景遣兵抵黃花又分兵趨唐倉扼蜀歸路旋敗蜀

兵于黃花蜀兵奔唐倉即此又十五里至王家店十

五里至柳樹灣自草涼驛至此六十里皆緣故道川

東岸依山傍水架木為橋下臨不測名曰棧阪人行

其上闐然有聲每值山轉水折之處尤為陡峻雖臨

江一面半設木欄而殘朽不時眩目惕心令人毛髮

俱竦又十五里至鳳縣

何景明鳳縣登樓云近訊中原使兼登萬里樓朝廷仍北

極行在且南州峽斷風雲隔江通日月流如聞乘八
 駿早晚向崑邱王士正鳳縣云險絕岐南路岩堯蜀
 北門千峯圍邸閣一綫望中原城下嘉陵水林間謝
 豹村衰遲慙鳳德愁向接輿論李調元鳳縣二首云
 雲巒途太折風景客來重水狹人多瘦城孤虎有踪
 瓊漿誰共泛玉手鮮能縫唯有金絲柳依然拂露濃
 水多千坂滑山盡一城橫處處驚逢維家解畜鸚
 遙峯迷鳳跡小縣聚猿聲八百連雲路今朝見曉晴
 吳省欽鳳縣和少鈍云爪指懸槌酒潑灰行人孤
 負鳳州來如何跪地金絲影不入宜春苑裏栽 縣
 鳳翔府屬北連大散南接褒斜地氣較寒春秋時為
 氏羌所居秦為隴西郡地漢為故道河池二縣地屬
 武都郡晉因之惠帝時沒于楊茂搜後魏置梁泉縣
 并故道郡南齊置南岐州西魏改鳳州五代蜀王建

置武興軍宋末降為團練州南渡後最為川陝要害

明改鳳縣鳳州圖經云梁泉縣有武侯城又有思計

臺在城南武侯登臺籌畫因以為名城北一里許豆

積山上有崖閣下臨江水唐冲妙先生隱于此李化楠鳳

縣道中作云霖雨北陰寒居茲勢轉劇崇岡下急溜
 洪濤蕩虛壁棧道馬足穿岩與厚地坼客子畏中途
 披榛覓行迹有山各羅圖險峻更窮僻山高且千尋
 路澗不二尺下有無情水上有欲落石危乎不可過
 徒旅共慘戚世路雖艱難吾生有行役叱馭伊何人
 有懷自夙昔流覽發奇思履險乃多益賈胡真小兒
 齷齪慮朝夕怯怯不
 敢前孤館長寂寂

初七日由鳳縣南逶迤上山麓登頓二十里始達鳳

嶺一名鸞鷲山鬼以道所云得鳳之三而鳳集之者也上有閤道懸匾曰去天尺五亦北棧阨塞之一嶺西南有鳳穴廣三丈許相傳文王時鳳鳴岐山曾止于此王士正鳳嶺云南岐地何高鳳嶺踞其右路絕無鈎梯直上若懸溜日月互蔽虧光明錯昏晝雲霧四蕩洶雷車中雜揉飛龍何衙衙天矯出岩竇俯首兩當水奔流下騰奏轉石類搏楫畫沙成篆籀聞昔周文王盛德及靈囿鳳鳥此來集世遠事悠謬末季重邊防戎馬幾馳驟秋風吹散關一夕驚老瘦緣山南下十五里至新紅舖蜀道驛程記新紅舖兩壁對峙石勢如奇鬼攫人一水自東山來極清駛巨石扼之更作澎湃石梁屢折頗似人家林園
李調元新紅峽

云衆山隨我來入峽忽相別但見天一綫微曦時透泄綠蘿間翠竹點綴造幽絕瀧瀧谷中泉鳴咽詎至潔臨欄我欲唾白石怒若鬚小橋聚澄澗坐臥倚斷碣時見麝引子來飲驚一瞥余意類山梁中熱化寒冽乃知機心盡物我皆可悅仰觀濛濛松上有太古雪孤雲動高興散髮思岩穴倘有洪崖招便此杖九節
 按新紅舖山凹有水隨山曲折東南流逕三岔驛南二十五里至廢邱關與野羊水合楊慎三岔驛云北去南來幾朝暮朝見揚揚擁蓋來暮看寂寂回車去今古銷沉名利中短亭流水長亭樹野羊水出紫柏山之柴關嶺北西北流逕南星西折而北至廢邱與新紅舖水合西南流六十里至靈關峽入故道水道提綱野羊北河出松林驛東南山西北

流經驛西又西北至廢邱堡合東北來一水又西流有蜜蜂溝自南來會又西南入嘉陵江酈注故道水下敘北川廣香交尙婆川諸水至兩當而不及此水蓋當時南北分據道元未嘗至秦嶺故序述多訛耳廢邱本漢時屯運積儲之所其地平衍四面皆山易于防守故謂之陳倉道其山謂之陳倉山河渠書武帝時有人上書欲通褒斜道及漕事下御史大夫張湯湯問之言抵蜀從故道故道多阪回遠今穿斜道少阪近四百里而褒水通沔斜水通渭皆可以行舟

從南陽上沔入褒褒絕水道至斜百餘里以車轉運從斜下渭如此漢中穀可致而山東從沔無限便于底柱之漕且褒斜林木竹箭之饒擬于巴蜀天子以為然湯子邛為漢中守發數萬人作褒斜道五百餘里道果近便而水石湍急不可漕蜀漢建興五年武侯將伐魏使諸軍運米于斜谷口治斜谷邸閣十二年武侯作木牛流馬復運米集斜谷口均指此又命趙雲軍箕口亦于此屯積糗糧朱嘉徵廢邱歷陳倉山云山險至此夷秦民聿胥宇廢邱見舊屯陳倉殷積精蜀漢相犄角壯哉此門戶南山亘夜郎東道連荆楚猗嗟鼎足雄益

都稱天府今日詢遺跡十不存四五又復死于寇子
遺飽豺虎廢日貽阿誰先疇不復土直視千里道行
客淚如雨由廢邱至南星二十五里山之東麓瀕野羊水

有新開嶺跨山腰而行逕頗陡折每遇夏水泛漲則

取道新嶺水涸則仍由故道楊升菴所謂新途古道

太多岐暝色荒煙帶征客者是也何景明新開嶺云
塹山通大谷棧嶺

挂天梯獨立飛雲上回看落日低異花千種
色怪鳥百般啼晚就松林宿烟昏度碧溪秦蜀後

記新紅而西歷三岔驛廢邱關皆夸塗人家陶瓦作

屋稍成聚落三岔之東瀕溪金絲柳一株是百年物

長條拂水婀娜可愛昔傳鳳州三絕手柳酒宋元豐

中詔貢百株植禁中予舊有和門人陳子文奕禧絕

句云鳳州三絕無纖手又少旗亭酒共傾惟有金絲

幾株柳臨江暎驛拂人行宿南星行九十里南星旅

舍壁間有果邱畫松蔡時豫次南星店題壁上果邱
畫松歌云南星店前山似戟瀟

瀟細雨愁行役暮投山館見蒼龍道是親王真筆跡
巨幹入雲撐鐵柱老根拔地入盤石一枝橫放勢何

長徑去不知幾千尺一枝拗出特有意倒影明月涵
空碧此松品在大夫上韋偃筆法猶小樣曾將榦榦

捧破壞塵黯然我來掃壁空太息山椒雨歇聞涼蟬

按棧中地名往往有彼此勤襲者如分水嶺新開嶺

之類不一而足然有不容不辨者如章邯所都之廢

邱在咸陽不在鳳州漢高帝出武關在商南不在馬道劉先主所破之陽平關在畧陽不在羅江姜維與陳泰等大戰之牛頭山在狄道不在昭化一白馬關也澆口襲之鹿頭關襲之而不知其在黎陽一石牛道也水經注指爲鷄頭嶺蜀志指爲大劍山而不知其在蟠冢稍不深考謬加引用貽悞者不少矣古人所以嘆博雅之難也

初八日由南星東行兩山夾送俱係坦途爲入棧以來所未有南望紫柏山層巒疊嶂高插雲霄上多積雪二十里至榆林舖五里至松林驛十五里至長橋舖有水源出柴關嶺卽野羊水也陝西通志野羊水在鳳縣南源出紫柏山由長橋舖登山七里至柴關嶺卽紫柏山之別名也林深箐黑亭午不見日影中多恠石古木爲虎豹猿猱出沒之鄉牛坡道旁有連理樹兩株竝生相離約六七尺大數圍其樹高二丈許中忽挺橫枝連互如橋上復岐出肌紋鞣合莫測所以樹旁時有異香襲人前漢興觀察王時薰爲建亭立碣以誌奇觀陝西通志柴關在鳳縣東南一百

三十五里嶺至高峻王士正雨度柴關嶺云棧中新
 語不聞深箐黑馬蹄直上亂雲高天垂洞壑蛟龍蟄
 秋老牙鬚虎豹豪誰識熏香東省客戎衣斜壓赫連
 刀顧汝修柴關嶺云曾聞幽險紀柴關虎嘯猿啼萬
 木間近喜火刀耕欲徧分明露出武都山李化楠柴
 關道中云藜生古木隱峯巒積翠濃陰帶雨寒山色
 四圍環絕谷泉聲半壁落飛湍穿雲但覺衣裳濕斜
 日偏憐步履難傳語兒曹蜀道驛程記柴關嶺上下
 須記取天然可作畫圖看
 二十里石齒廉利如劔鐔下嶺沿青羊河行河流挾
 雨益怒巨石恠醜時來壓人幽篁叢木蒙茸數十里
 不見山巔行人與虎豹蛇虺爭一綫聞其南紫柏山
 有崖洞七十二為仙真栖止之所水經注褒水出衙

嶺山逕大石門歷故棧道下谷衙嶺山即紫柏山也

褒水出其山凹逕留壩馬道出褒口一名烏櫛江由

嶺南下八里至廟台子有漢留侯祠董新策留侯辟

青揮漢邊帝師高致此中傳當時占盡人間福學得
 封侯又學仙橋頭去授陰符册山裏來從辟穀身黃
 石赤松緣底事始終成就報韓人韓仇已報漢功成
 智士原看富貴輕就使封留長不退未應受禍似韓
 彭李調元紫柏山云仙風昨夜至吹我入雲影扶搖
 散林木縹緲上青冥手摘諸星碎懷納明月炯翻身
 出叢谷遂下萬丈嶺高臺俯澄潭未墮真一倅古洞
 不可測頑石壓人頂昔有黃石公于此習清景留侯
 亦明哲急流退何猛遂令武陵源大秦蜀後記嶺上
 道任馳騁我欲從赤松却嫌未幽靜
 下大木千章尤多漆樹居人取漆必先祭于漆神祠

下嶺卽古陳倉道過紫柏山留侯祠相傳辟穀處并
 祀黃石公赤松子祠中有趙文肅公貞吉歸山詩碑
 臨海王恒叔士性和作刻碑陰紫柏山巔有古刹峨
 嵎一老禪獨居數十載蛇虎馴伏今九十有六矣惜
 不得其名燈下作頌古十絕句寄之道旁石壁有翠
 屏仙隱四字係萬歷間褒令朱聞聖書十里至桃
 源舖兩崖石壁對峙如門褒水逕其中與亂石相擊
 漉漉有聲又十里至亂石舖十里至小留壩秦蜀後
 記紫柏以南石壁奇絕至小留壩兩壁夾澗徑忽斷

絕從壁下徐得一徑如棧乃復通人又十里至留壩

有留壩廳及驛丞署王士正雨趨留壩云急雨下烏

盡武關東峽偏風雷氣人穿虎

豹鼓誰知星使節今夜托牛宮

初九日由留壩循褒水東岸南行三里石壁有豁然

平曠四字亦朱聞聖手蹟八里至畫眉關陝西通志

畫眉關在鳳縣東南一百九十里地甚險峻數折而

登鑿山開路一線中通又十二里渡青羊橋至青羊

舖路跨褒水之右依山傍阻架木爲橋時斷時續卽

古棧道也李調元青羊橋云忽聞介馬聲隔山馳驟

乃見飛流駛注青羊河澎湃一何恚如傾萬壑泉
奮激上人背偈爪更懸崖似不容一騎石齒如劍鐔
磨淬出廉利狸笑狻又啼眇身欲何避斷橋不
二尺造次恐失墜吁嗟行路難坐定猶驚悸
留侯世家漢王之國良送至褒中因說漢王曰何不
燒絕所過棧道示天下無還心以固項主意乃使良
還行燒絕棧道水經注故棧道下谷俗謂千梁無柱
也諸葛亮與兄瑾書云前趙子龍退軍燒壞赤崖以
北閣道緣谷百餘里其閣梁一頭入山腹其一頭立
柱于水中今水大而急不得安柱此其窮極不可強
也又云頃大水暴出赤崖以南橋閣悉壞時趙子龍

與鄧伯苗一戍赤崖屯田一戍赤崖口但得緣崖與
伯苗相聞而已後諸葛亮死于五丈原魏延先退而
焚之謂是道也自後按舊修路者悉無復水中柱逕
涉者浮梁振動無不搖心眩目也又十里至青龍寺
秦蜀後記度畫眉青羊二關羣木陰慘陽景罕曜四
月著裘帽寒砭肌骨至青龍寺南方就夸途又度虎
頭界牌二關關南北石壁連屬數百丈悉如人家園
林巧匠所營下臨黑龍江映帶如畫棧中石壁當以
此地及紫柏山南為最
李調元虎頭關云殘冬入棧
來閱歷險無數滾滾上雲巒

更值虎頭怒密箐垂陰深崖散毒霧內外蛇鬪門
攫人若奔赴滑石累為九浮梁裊撐柱水石交一線
驚呼幸不仆崖畔舊墩臺大燾憶昔豎時清空
戰場月黑餘古戍登高試矯首塌塞生惶懼
又十

五里至武關關下水導源西山東流三十五里入褒

水何景明武關云北轉趨劉壩西盤出武關微茫一
線路迴合萬重山天地幾龍戰風雲惟鳥還關門

鎖溪水日夜送潺湲又十五里至焦崖舖十五里至武曲舖十

五里歷觀音崖渡樊侯橋橋下水名樊水出雲霧山

東南流一百四十里入褒水旁有微徑可通兩當橋

北有漢丞相蕭何追韓信至此碑橋南即馬道驛史

記信數與蕭何語何奇之至南鄭諸將行道亡者數

十人信度何等已數言上上不我用即亡何聞信亡

不及以聞自追之及還言于上曰諸將易得耳至如

信者國士無雙必欲爭天下非信無與計事者翌日

拜為大將軍自青羊舖至馬道緣崖涉險中歷馬鞍

嶺二十四高低曲折半掛山腰下矚烏龍水色純青

蒼藤古木掩蔽兩山間經冬不改柯葉蜀道驛程記

雨止趨武關以小舟渡入褒城界山多猿多鸚鵡自

畫眉關而下至馬道百里間俗謂二十四馬鞍嶺險

峭特絕上下登頓輒數里上如猱升下如驚行外俯

迅流內倚絕壁石磴連卷其中山骨呈露不受寸土

壽藤古竹膠轛四垂石壁如丁如突如城如礪如步

欄如堂皇如層蕪奇態殊狀流玩不給王士正馬鞍嶺云南下畫

肩關遠色疊嶺負緣百里間斷巒嶺光景蹇蹇疲

登降或如宛胸如鳥或如連斬或如植如負屏或如岐

角逐詭類爭一逞峭岸勢欲折捷足不遑騁二分垂

在外趾壓後人頂飛瀑時界道赴壑力途猛人與水

鬪爭心目各相警天意限雍梁設險有斯境君子履

忠信小人懷僥倖永念垂堂言乘危更三省李調元

馬鞍嶺云黃緣山迤邐斷巒勢環遶石磴中連卷高

下出雲表山骨盡呈露偏仄受土少古竹與壽藤千

年纏木杪膠轛垂四面縈欄挂啼鳥懸厰牢置屋堂

皇錯昏曉蹇蹇涉雞嶺纖路撐虎爪飛泉自山出復

與江聲擾波石兩角逐峭折殊不了反笑造化兒設

險真相翮履險可飛泉出石罅奔流千尺與江水鏗

如夷乘危非務矯

鎔相亂棧中之水大約有四支茶坪以北眾水北流

為清澗河入渭為一支茶坪以南眾水西流至階州

西和成白水江為一支鳳縣以北斜谷大散嘉陵諸

水西流由徽州兩當畧陽成嘉陵江為一支柴關以

南青羊水西南至武關北褒水從東來注之合流至

武關石溝水從西來注之合流至馬道驛樊水從西

來注之又南合青橋沙河諸水入漢江大較如此西

都賦注褒斜谷其水南流蓋未詳也馬道相傳鄼侯

追淮陰至此或云在巴山或云孤雲山未知孰是董
 策蕭相國追淮陰侯處云當年隆準馭羣維幘幄機
 謀相國同馬道不來追傑士將壇安得拜元戎入關
 坐約三章法略地全資百戰功縱有重瞳窺失鹿風
 雲飛起自褒中又云王孫歸漢漢基開終蹈危機亦
 可哀一飯尙難忘漂母么魔肯與作渠魁如何相國
 潛謀進邊有家僮告變來不分蒯生空語激別無智
 計解疑猜客舍後枕江流如百萬甲馬聲使人悲壯水道
 提綱黑龍江源出鄆縣南境太白山之西南麓合斜
 谷東南諸水西南流至武關驛東北有野羊河自西
 北來會又南有武林河自西北來會又南有馬道河
 沙河俱自西北來注之黑龍江即烏龍江也楊慎馬道壁上

次韻云嘉陵江水碧迢迢雷吼晴灘雪湧潮岸曲行
 人愁駐馬清猿聲在白雲霄吳省欽馬道云接嶺冬
 青樹清江攪黑龍摩天人數點激水路千重欄馬
 紅牆短迷花翠嶂濃不知追信客何處一停踪

初十日由馬道二十里逕二十里舖即仙人關也宋
 中興四朝志和尚原鳳之東境抵鳳翔不能百里仙
 人關褒之東境拒利州纔七驛自利抵劔關百里而
 羸倘棄和尚原而退守仙人關則蜀之險要所失過
 半敵旣得和尚原或自梁洋經米倉山入巴閬或自
 均房由達州山路入夔峽或直攻仙人關勢分形散
 所備皆急一處破壞則在處震動矣紹興間敵攻仙

人關而不能留者以糧不濟耳若使其治廢邑聚散
民耕屯其間則得吾地而可守入吾地而可留矣自
南北講好中分關中之界如大散仙人饒風武休皆
我朝之界也而仙人關外又分左右二道自成州徑
天水縣出皂郊堡直抵秦州昔吳璘大軍由此而出
地勢平行因爲壕塹引水縱橫名曰地網以遏敵衝
自兩當縣直出鳳州取大散關距和尚原纔咫尺敵
嘗憑原下視如蟻蛭故其勢難守所恃緩急有仙人
關耳又二十里至青橋驛

楊慎青橋云閣道盤雲棧
郵亭枕水涯猿猴臨客路

雞犬隔仙家風起青邱樹春迷玉
洞花旅懷今日豁停憶問褒斜

渡沙河河水導源

雲霧山東雲霧山在褒城西北綿亙四百餘里中有
關隘通陳倉古道淮陰暗渡由此水東南流八十里
入褒水橋北有石孤立丈餘上橫石板形如懸匾旁
刻青標獨立四字水經注褒水又東南逕三交城城
在三水之會故也一水北出長安一水北出仇池一
水東北出太白山按三交城疑在馬道二十里舖等
處而諸水入褒或十五里四十里不等詢之土人竝
無三水交會之處且長安與太白山之水斷不入褒

而仇池水入嘉陵江亦不入褒當是酈注之誤秦蜀
 後記過仙人關食青橋驛又二十里夾江兩岸石色
 如鐵壁立千仞時有大石牴牾橫道如巨丈人頽冠
 落珮兩山忽合疑若無路從石罅螺旋而上有橋跨
 水纔通人騎過橋石壁益險恠略如藺相如持璧睨
 柱髮盡上指又如樊將軍擁盾裂眦拔刀割彘肩憤
 怒鬱勃不可殫形又十五里至虎家舖又二里至新
 開壩一名觀音壩即賈中丞漢復煨石開山處也蜀
 道驛程記新開壩奇石插天犀株林立飛湍箭激疑

為深淵其色黝黑潭而不流憑高瞰下令人魂悸有
 舊碑在道左大書雲棧首險近陝撫賈中丞煨石開
 道自此迄寶鷄九百三十八丈有奇又于此劄大石
 置欄楯行旅便之余在京師時友人宋荔裳作棧道
 平歌紀其事語最豪健沈繹堂荃書之時稱雙絕
棧道平歌為賈侯尚書作云君不見梁州之谷斜
 與褒中有棧道干雲霄仰手可以捫東井下臨長江
 浩汗海波濤大禹崩厥恐未到帝遣五丁開神皋巨
 靈運斧地維圻然後南通巴蜀西羌髮地盤紆紆六
 百里千迴萬曲緣秋毫懸車東馬弗可以徑度飛騰
 絕壁愁猿猿漢家雷侯真婦女烈火一炬嗟徒勞
 嘻乎三秦之人困征戍軍書蠶午如蝟毛銜枚荷戈
 戟轉粟窮脂膏估客爾何來萬里競錐刀須臾失足

幾千仞。猛虎頓地。姿貪饕。出險酒酒始相饋。燐燐鬼
 火聞呼號。秦運開。尚書來。思如雨露威風雷。一呼集
 奮錘。再呼伐薪柴。醇醢澆山萬夫發。坐看巉岩削盡
 為平埃。噫嘻乎。益烈山澤。四千歲。火攻莫救蒼生災。
 昔也商旅魚貫行。今也不憂狼與豺。昔也軍車不得
 上。今也康莊之途足。以走連羣。焚童巴舞。貢天府。桃
 笙竇布。輪叩。歌幽風。擊土鼓。貫父之來。何晚哉。豐
 功奕奕。垂萬祀。經濟不數章。舉才中。朝袞衣待公補。
 睿機在手。平泰階。西望劔閣高。崔嵬側身欲往空。徘徊
 祠大書。深刻告來世。蛟龍岌業磨青崖。金穿石。勅陵
 谷從我公之功。不與。今已陷石嵌絕壁。余踏危石奔
 浪仰視。略見髣髴。因賦詩懷二君。陳奕禧益州于役
 記曲沃賈中丞漢復集費鳩工道寬倍昔因改為觀
 音塢刻石八字賈中丞殿石闢路處寶鷄黨崇正書

甚可觀

王士正觀音塢云觀音彌險絕連山列天仗
 奔峭洶波濤大石蹴龍象造物鬱磊砢及茲

乃一放急瀑何碎訶盤石成巨防渟為千丈湫潭潭
 不流宕怪物中屈蟠豈無鎖紐壯儻然牛渚犀窮此
 精靈狀頗聞賈中丞于此鑿登嶂故人推沈宋詩筆
 各雄長星宿森光芒蚪龍怒倔強解鞍苔石滑高歌
 一神王更須巨靈手還斤出天
 匠鑿我郝閣銘敵彼小海唱
 方象瑛使蜀日記觀

音塢危崖峻壁橫列如屏障鑿石為徑下臨絕礫石
 闕處架木補之人馬相扶以度搖搖然志稱褒城棧
 閣二百八十九間想卽此今廢由觀音塢南緣烏龍
 江西岸一逕斜挂山腰曲折而上石壁陡絕名仙人
 塢一名燕子塢上刻天在山中四字
 李調元燕子塢
 云我行入褒谷

一步一回胸有如落鐵圍四壁皆築釘上下不十里
怪石難悉辨偏仄燕子礪旬旬驚初見得如金剛王
巖如羅刹面黝如夜叉臂勇如猛將戰又如蘭相如
持壁睨柱看毛髮盡上指目光閃巖電又如樊將軍
擁盾氣怒捍拔刀割蔬有能令重瞳汗下有雷家灘
聲敵震霆亂立馬譚氏橋懸尸纜一線闕雪車鳴
磷磷霜花泚踣履本自慎魂魄俱欲顫嗟余志蓬矢
遠遊亦云慣屢經不敢掉恐為造物玩伐箭者誰子
高歌入雲漢生涯等 又十五里至麻平寺渡丙水
蝮蟻得毋太輕賤 又十五里至麻平寺渡丙水
麻平晚行云百年懷故土千里倦游情高低尋成道
遠近聽泉聲稠葉纒分色山花不辨各羈心何處盡
風急暮猿清會晚麻平寺逢友人自楚至云空山留
一寺下馬忽逢君蜀道無長轂征衣有棧雲秋邊鳴
細雨谷口上斜睡客自 酈注褒水又東南得丙水口
瀟湘至猿聲似慣聞

水上承丙穴穴出嘉魚常以三月出十月入地穴口

廣五六尺去平地七八尺有泉懸注魚自穴下透入
水穴口向丙故曰丙穴下注褒水故左思稱嘉魚出
于丙穴良木攢于褒谷矣姚培謙類腋略陽南大丙
山下有石洞名丙穴杜詩魚知丙穴由來美是也又
十里至七盤嶺一統志七盤嶺在褒城北盤旋七轉
方至山巔由此入雲棧 沈佺期夜宿七盤嶺云獨遊
臆近天河入戶低芳春平仲綠清夜子規啼浮客空
雷聽褒城聞曙雞王士正七盤嶺云七日行褒斜目
蹟耳亦聳濁浪崩崖垠征衣碎蒙茸不知天地濶詎
測造化功岌然土囊口雞嶺摩蒼穹磴道上七盤大
翻排天風絕頂忽開豁白日當虛空褒水出谷流漢
江繞其東巴山跨秦蜀蜿蜒連上庸川原盡沃野天

府如關中橋樑鬱成林稍苗亦芄芄襄陽大編來千
 里帆檣通當年號天漢運歸隆準公將相得人傑驅
 策芟羣雄一戰收三秦途都咸陽宮智勇久淪沒山
 川自巖崑從跋馬向褒國日落煙濛濛沈廉入連雲棧
 云飛棧盤空鳥路分烟嵐霧樹合氤氳人緣蟻垤紛
 相引風遞猿聲斷更聞百道爭飛天外瀑千峯亂揮
 馬頭雲身當絕境渾忘險不覺頻穿虎豹羣陸鳴珂
 七盤上鷄頭關云北棧行將盡雞頭勢轉雄七盤蟻
 旋磨百折馬行空天險關山壯人謀秦蜀後記七盤
 斧鑿工十年轉戰地故壘動悲風
 嶺每盤斗折而上漸入天際下臨江水數百丈令人
 掉慄不已嶺下江岸有石傳是鄭子真釣臺臺側有
 白石盆似玉刻字剝蝕不可讀迤東為小石門酈注
 褒水又東南歷小石門門穿山通道六丈有餘刻石

言漢明帝永平司隸校尉犍為楊厥之所開遠桓帝
 建和二年漢中太守同郡王升嘉厥開鑿之功琢石
 頌德以為石牛道來敏本蜀論云秦惠王欲伐蜀而
 不知道作五石牛以金置尾下言能屎金蜀王負力
 令五丁引之成道秦使張儀司馬錯尋路滅蜀因曰
 石牛道厥蓋因而廣之矣蜀都賦曰阻以石門其斯
 之謂也門在漢中之西褒中之北山南即鷄頭關關
 下有大石形如鷄冠下飲江水一名鷄冠隘王汝驤
云征馬鳴蕭蕭澗水流潺湲水鳴何鳴咽馬鳴多哀
酸借問客何之言上鷄頭關關門開一綫羊腸裊青

雲木系和 卷三
天上有千仞壁下有百丈淵驚風吹落石洪流盪奔
湍危途無返轡微生寄征鞍靡靡遵木末遙遙造雲
端故鄉杳何許天路安可攀側聽隴頭吟感我涕洟
瀾李化楠維頭關云何年天雞開石碣瀕洞中分頭
破裂千尋峭壁倚層巒百丈寒潭俯深碧秦山路盡
轉三巴平江漠漠飛黃沙太平時節無天險遙看沃
野皆桑麻山僧坐我小閣內與談世事多感喟眼前
百態逐時新惟有茲山長不壞山城欲閉日西傾策
馬仍向坡壠行城頭鴉噪 宋史陳友聞傳友聞謂忠
秋風起側身西望寒雲橫 義總管陳庚乃當可曰敵必旋兵攻鷄冠隘宜急援
之既而果以兵騎萬餘攻隘庚以騎兵五百直前決
戰當可將步兵左右翼竝進王資白再興又自隘出
戰躒血十餘里兵乃解去蜀道驛程記二十里至七

盤嶺鷄頭關盤旋而上去天尺五孫樵云陟鷄嶺之

蹇嶺下七折之峻阪謂此也此地視鳳嶺僅及其半

然乘高南望梁州沃野川原曠然褒水近滎漢江遠

抱連日行鼠穴中忽如負青天睹白日心目洞豁

清出連雲棧云雞頭關下石杈牙傍險馬高此駐車
一水縈紆通漢沔萬峯迴合控褒斜雲中板閣燒難
絕石口負管翠欲遮蜀道秦關俱莫論于今四海正
為家沈廉出連雲棧抵宿褒城云蜿蜒雲棧縈空迴
劃然半壁秦天開烟巒高下勢排岩與元形勝何雄
哉放眼看褒中樹如薺一片孤城落井底紛紛飛鳥墮
蒼烟落日無光沙泥泥我馬虺隤不復驕解鞍止宿
心搖搖孤雲兩角天一握側身西望驚魂銷眼前險
阻無時無區區百里成坦途且復開襟澆濁酒放歌
一醉花間壚前途崎嶇君勿慮揚鞭直上青天去

何仲默雍大記云西南曰褒谷從褒入南曰駱谷從洋入東南曰斜谷從邠人其棧道有四從成和階文出者爲沓中陰平道鄧艾寇蜀由之從兩當出者爲故道漢高祖攻陳倉由之從城固洋縣出者爲斜駱道武侯屯渭上由之從褒鳳出者爲今雲棧道漢王之南鄭由之余所經歷谷中驚湍飛棧鳥駭獸逸殊有孫樵之賦不及詳者其他三道險阨又可想見因憶李供奉云邇來四萬八千歲不與秦塞通人煙歐陽四門云秦雖有心蜀雖有情五萬年間復不相接

近實錄也李文子曰自褒城縣北褒谷至鳳州界一百五十里始通斜谷谷中褒水之所經皆穴山架木而行宋時有棧閣二千九百八十九間歷朝增損不定統名之曰連雲棧陸贄所云緣側徑於嶺崑綴危棧于絕壁者也出褒城道始平又八里至褒谷口鄠注褒水又東南歷褒口卽褒谷之南口也北口曰斜揚雄問神篇谷口鄭子真不屈其志而耕于岩石之下名震于京師漢中士女志鄭子真褒中人也元靜守道王鳳備禮聘之不應家谷口世號谷口子真又

一里次褒城縣縣古褒國禹封其子為褒侯都此秦
 為褒中隋初改褒內尋改褒城縣元微之詩花疑褒
 女笑棧想武侯征是也呂履恒早發褒城云旅客聞
 雞早征車發驛亭江城搖落
月石棧出寒雲林啓前村白天迴
 遠岫青七盤關下水幽咽不堪聽褒水出谷流至城
 東南入漢江

雲棧紀程卷三

雲棧紀程卷四

廣漢 張邦伸 雲谷編輯

自褒城至寧羌州

十一日由褒城西行平田遠水風景大類西川漢中
 所轄褒河南鄭城固諸縣皆產稻多魚芡梅桂黃楊
 甘橘棕櫚之屬隆中對所謂沃野千里天府之土高
 祖因之以成帝業者惜山水沉寒人多病癯望之纍
 纍可畏褒水由中梁山入漢江東流經漢中府北出
 興安入楚直通夏口帆檣相望蜀道驛程記漢中興

元書院明瑞王故宮也王神宗子天啓中與福惠二

王同就國李自成入秦王走重慶張獻忠陷重慶遇

害王士正故宮曲二首云濕螢幾點粘修竹昏黃月

映蒼煙綠金牀玉几不歸來空唱人間可哀曲往

日朱門帝子家紫車一去即天涯平臺賓客今何處

零落小山叢桂花沈朝初收復漢中恭紀云魚貫懸

崖鄧艾軍銜枚一夜度連雲巴渝從此俱安席莫待

相如論蜀文司隸章臨市不驚鏡歌聲裏慶昇平只

今蒟醬仍通貢合挽銀河洗甲兵李珣聞官軍收復

漢中云天險難終踞先聲已不支傳聞收宋建遂已

殪姜維王者師無戰流人喜可知翻愁雲棧路雨雪

擔簦遲已分無歸計朝來涕淚新誰傳今日信吾是

再生身月冷瘡痕色花殷鼓角

春安危爭撫虐踣望轉傷神

漢拜將壇有二一在

府治一在城南秦蜀後記府治漢臺堂前有石鼓云

是漢時物高二尺六寸圍八尺脰間作四獸面璞石

有剖露痕真碧玉也王士正漢臺云絳灌當時伍黥

猿冠磊落真王氣蒼茫大將方輿紀要漢中禹貢梁

州之地北瞰關中南蔽巴蜀東達襄鄧西控秦隴形

勢最重呂履恒梁州云蜀道天難上梁州路已遙岷

蟠北戒江漢導南條落日七盤嶺晴天萬

里橋獨留懷古春秋以前屬蜀後併于楚故楚為最

強秦惠王十三年用張儀計攻取漢中地六百里置

漢中郡而楚始見凌于秦矣沛公自武關入秦酈商

巴蜀郡南鄭分關中地王秦三降將以距塞漢漢王怒蕭何曰漢中語曰天漢其稱甚美願王王漢中收川巴蜀還定三秦天下可圖也及韓信勸王東出陳倉定三秦而帝業遂基于此何景明漢中歌云漢王昔日定三秦壯士東歸意氣新旌旗暗度陳倉口父老重迎灞水濱燒棧登壇各有勲謀臣猛將鬱如雲關中自識龍顏主海內爭看縞素軍公孫述之據蜀也亦北有漢中窺伺秦隴其下荆邯說述曰宜令延岑出漢中定三輔天水隴西拱手自服其後張魯據此憑險自雄曹操之取漢中也司馬懿曰今克漢中益州震動進兵臨之勢必灰

解操不聽師還法正言于劉備曰操定漢中不因此時以圖巴蜀乃留軍屯守今舉衆往討必克之克之日廣農積穀觀釁伺隙上可以傾覆寇敵尊獎王室中可以蠶食雍涼廣拓境土下可以固守要害為持久計不可失也備即引兵爭漢中斬其守將夏侯淵操聞之從長安出斜谷軍遮要以臨漢中備斂衆拒險以待之曰曹公雖來無能為也我必有漢川矣于是以漢中為重鎮何景明昭烈廟云漂泊依劉計開關入蜀身中原無社稷亂世有君臣峽路元通楚岷江不向秦空山一祠宇寂寞翠華春終漢之世魏延蔣琬

及姜維相繼屯守又建興五年丞相亮帥諸軍北駐漢中三國志初昭烈畱魏延鎮漢中皆實兵諸圍以禦外敵敵若來攻使不得入後皆承此制姜維以爲諸圍適可禦敵不獲大利不若斂兵聚谷退就漢樂二城聽敵入平重關頭鎮守以捍之敵攻關不克野無散穀千里運糧自然疲乏引退之日然後諸城並出搏之此殄敵之術也後主從之及鍾會來侵遂平行至漢中由維自棄其險也李雄據蜀亦兼漢中唐興元初以朱泚李懷光相繼煽亂駕幸梁州時山南

地薄民貧糧用頗窘議西幸成都山南西道節度使嚴震言于上曰山南地接京畿李晟方圖收復藉大軍以爲聲援若幸西川則晟未有收復之期也李晟亦表言陛下駐蹕漢中所以繫億兆之心成滅賊之勢若規小捨大遷都岷峨則士庶失望雖有猛將謀臣無所施矣上乃止李吉甫曰漢中者巴蜀之捍蔽自開元以後山南西道嘗治此用以北援關中南通蜀口蓋自天寶南巡以迄廣明西狩漢中皆爲中頓宋之南也張浚請治兵于興元以圖中原上疏言漢

中形勝之地前控邠駱之師後據兩川之粟左通荆襄之財右出秦隴之馬號令中原必基于此謹積粟理財以待秦幸趙開曰漢中之地後可據而安前可恃而進牟子才曰漢中前瞰米倉後蔽石穴左接華陽黑水之壤右通陰平秦隴之墟黃權以爲蜀之根本楊洪以爲蜀之咽喉者此也自南鄭而南循山嶺達于四川保寧府之巴州爲米倉道路極險峻中間有米倉山又有孤雲山行者必三日始達于嶺所謂孤雲兩角去天一握者也今驛路由沔入蜀故米倉

道由之者鮮矣自褒城二十里至老道寺三十里度留仙橋青城道士徐佐卿隱雲霧山化鶴飛昇于此故橋得是名跨黃沙水西卽黃沙驛蜀鑑建興十年亮休士勸農于黃沙驛作流馬運黃沙酈注漢水又東黃沙水左注之水北出遠山山谷邃險人跡罕交谿曰五丈谿水側有黃沙屯諸葛亮所開也其水南注漢水南有女郎山山上有女郎冢遠望山墳嵬嵬狀高及卽其所裁有墳形山上直路下出不生草木世人謂之女郎道下有女郎廟及擣衣石言張魯女

也有小水北流入漢謂之女郎水

王士正女郎廟云朝過女郎道遙望

女郎祠溪水疑環珮春山學黛眉千林丹橘

蜀道驛熱一徑碧苔滋日暮神靈雨西風滿桂旗

程記自南鄭至此七十里間水田漠漠穉稻萬頃畝

可十鍾古稱天漢不虛爾

王士正南鄭至沔縣道中云黑水梁州道停車問土

風沔流天漢外嶓冢夕陽東處處棕櫚綠

又七里有村村穉稻紅更須參玉版修竹賤如蓬

溫泉水自南入漢名曰溫泉水口水發山北平地方

數十步泉源沸湧冬夏湯湯道元謂浴之能瘥百病

有硫黃氣查臨潼驪山昌平海子蒲吾西山及滇南

窮谷中皆有溫泉掬而嗅之無在非硫黃氣蓋伏硫

性熱薰蒸作泉導引陽氣故其水常溫耳又十里渡

度口水酈注水出陽平北水有二源一曰清檢出佳

饒一曰濁檢出好鮒常以二月八月取之美珍異味

度水逕陽平縣故城東又南逕沔陽縣故城東而南

流注于漢水其西溪水由漢樂城東流入城諸葛武

侯所築也漢建興七年冬亮徙府營于南山下原上

築漢城于沔陽築樂城于成固城在山上周三十里

憑高卽險四面阻絕昔先主遣黃忠據之以拒曹操

暨亮屯漢中山多羣獠因築以防遏後梁州刺史楊

亮保而居之為苻堅所敗今遺址在沔縣西南漢水南岸又二里至舊州本劉宋時東益州治也西魏改為興州唐改置褒州宋曰沔州元析置鐸水縣州遂廢又十里至何家營本鐸水縣治也元至正四年立後廢又六里過漢驃騎將軍蔡鄉侯馬超墓超字孟起扶風茂陵人伏波將軍援之後蜀志先主為漢中王拜超為左將軍假節章武元年遷驃騎將軍領涼州牧進封蔡鄉侯二年卒時年四十七臨沒上疏曰臣門中二百餘口為孟德所誅畧盡惟有從弟岱當

為微宗血食之繼深託陛下餘無復言追諡超曰威

侯子承嗣岱位至平北將軍進爵陳倉侯西即諸葛

武侯祠貢師泰諸葛武侯祠云劍江流水綠法五丈原頭日又曠舊業末會歸後主大星先已

墮前軍南陽祠廟荒秋草西蜀關山隔暮雲正統不

慚傳萬古莫將成敗論三分黃輝沔縣武侯祠二首

云丞相堂陰此地偏幾人揮淚定軍前千秋信史猶

生氣數尺寒碑自真烟棧閣驚殘流馬路千戈愁絕

臥龍年山頭遠鐵還堪拾冷落兵書若个邊拜表朝

行夕漢川千羣獵虎盡屯田祁山細雨蔓青地河水

微風羽扇天巾帳生看曹馬盡陣圍密付鬼神傳艱

難誰復吟梁甫悵望東垂滿燧烽任蘭枝武侯祠云

丞相祠堂沔陽濟檜柏森森鐵幹古行人指點定軍

山月黑天陰聞戰鼓三分炎祚鼎終存萬馬中原氣

已吞五丈原頭將星落此間終古藏忠魂決瀕寒流

向東去霜郊露見平蕪路南通劍閣北褒斜想見當

年運籌處我來下馬拜荒邱三代而還第一流綿竹
戰餘瞻尚死一門忠烈壯千秋陸象拱沔縣武侯祠
二首云譙周遺恨百年深魚復風雲自古今主少國
危臣力盡淒其梁甫不成吟隻手憑將漢鼎扶祠堂
千載白雲孤我來曾過漳
河岸銅雀臺荒片瓦無 祠在沔縣東沔陽故城內

酈注城舊漢高祖在漢中令蕭何所築也漢建安二
十四年劉備并劉璋北定漢中立壇即漢王位于此
其城南臨漢水北帶通遠南對定軍山曹操南征漢
中張魯降乃命夏侯淵等守之劉備自陽平關南渡
沔水斬淵保有漢中諸葛亮之死也遺令葬于其山
因即地勢不起墳壟唯深松茂栢攢蔚川阜莫知墓

塋所在山東名高平即亮宿營處有亮廟亮薨百姓
野祭步兵校尉習隆中書郎向充共表云臣聞周人
思召伯之德甘棠為之不伐越王懷范蠡之功鑄金
以存其象亮德軌遐邇勳蓋來世王室之不壞實賴
斯人而使百姓巷祭戎夸野祀非所以存德念功追
述在昔也今若盡順民情則躡而無典建之京師又
逼宗廟此聖懷所以惟疑也臣謂宜近其墓立之沔
陽斷其私祀以崇正禮此立廟之始鍾士季征西杆
駕設祠營東即八陣圖也遺基畧在崩褫難識

鄭日奎入

陣圖云漢沔兵圖在英雄將畧存烏蛇分塊石鬼物

護重門江急軍聲怒雲昏殺氣屯賞奇真不易今古

一桓今廟內有石琴一拂之聲甚清越相傳侯所遺

王士正武侯琴室云竹篠娟娟靜江流漠漠陰至今

籌筆地猶見出師心遺恨成銜璧元聲有故琴千秋

絃指外髣東南即定軍山雍大記定軍山在沔縣東

髣遇高深南十里兩峰對峙山下有坡可駐萬軍

王士正定軍山諸葛公墓

下作云高密起南陽文終從高祖暴繫本見疑數

亦非武堂堂諸葛公魚水託心膂二表正謨訓一德

追伊呂視操但如鬼畏蜀還如虎嗟彼巾幗徒與公

豈儔伍紫色復蛙聲抵際各為主火井方三炎赤伏

更典午志士恥帝秦祭器猶存魯陰平一失險面縛

忘奔莒知公抱遺恨龍臥成千古峩峩定軍山悠悠

沔陽許鬱鬱冬青林哀哀號杜宇耕餘拾敗鏃月黑

聞軍鼓譙侯寧足誅激昂淚如雨趙翼定軍山云將

星夜落蜀山雲丹旆歸來葬定軍與賊勢終難兩立

斯人功竟限三分豐碑曾墮居民淚宰樹猶森故相

墳志決身穢遺恨在至今忽誦出師文費密移家定

軍山下云移家接村舍地僻好烟光藏此新圖籍仍

其舊草堂白來疇家雨青入陸又三里次沔縣縣本

渾庄久住隨風俗悠悠野興長

戰國時白馬氏東境漢為沔陽後魏分置嶓冢縣又

改為西縣唐置金牛縣元析置鐸水縣明改沔縣

沔縣村居云故國不可到春風吹閉門雲移峯頂寺

花落雨中村事簡人過少山深禍自尊無書傳子弟

耕鑿任

乾坤

九

十二日由沔縣西渡白馬河河即瀘水也水經注沔

水又東逕白馬戍南瀘水入焉水北發武都氏中南

雲杉紀程 卷四
經張魯城東魯沛國張陵孫陵學道于蜀鶴鳴山傳
業衡衡傳于魯至行寬惠百姓親附供道之費米限
五斗故世號五斗米道初平中劉焉以魯爲督義司
馬住漢中斷絕谷道用遠城治因卽嶺周迴五里
東臨濬谷杳然百尋西北二面連峰接崖莫究其極
從南爲盤道登陟二里有餘濬水又南逕張魯治東
水西山上有張天師堂于今民祀之庾仲雍謂山爲
白馬塞堂爲張魯治東對白馬城一名陽平關濬水
南流入沔謂之濬口其城西帶濬水南面沔川城在

二水之交故亦曰濬口城又西南循沔水而上兩山
對峙一逕中通十五里至土關一名百牢關樂史寰
宇記百牢關在漢中郡西縣西南隋開皇中置以蜀
路險號曰百牢一云置在百牢谷元和郡國志隋置
白馬關後以黎陽有白馬關故更此名圖經關故基
在今興元西縣兩壁山相對六十里不斷漢水流其
間乃入金牛益昌路杜甫詩白帝高爲三峽鎮夔州
險過百牢關孫樵云越百牢而南指憩石門之委窵
是也

玉士正百牢關云全秦雄百二南盡百牢關人
雜氏羌俗天連彭灑山漢臣傳論蜀唐計失征

蠻歷歷前朝事 孤雲落照間 又十五里至沮水舖一名沮口宋開

禧二年金人陷大散關叛將吳曦退屯置口旋還興

州置口即沮口也漢郊祀志沮水出東狼谷南至沙

姜南入江水經注沔水出武都沮縣東狼谷中一名

沮水東南經沮水戍又東南流注漢曰沮口同為漢

水之源闕駟曰以其初出沮泐然故曰沮水縣亦受

名焉 陸游南沮水道中云禮舍臨瀾晉船聚小潭山形寒漸瘦雪意暮方酣久客情懷惡頻來道

路詰家山空悵望無夢到江南 導源南流泉街水注之水出河池縣

東南流入沮會于沔元和志沮水出興州順政縣東

北二十八里按沮縣故城在今漢中府略陽縣界晉

永嘉後沒于氏羌縣廢後魏改置武興縣又僑置略

陽西魏改略陽曰漢曲隋改曰順政唐為興州治宋

復改順政曰略陽今在寧羗州北二百二十里河池

今徽州屬鞏昌府泉街水在略陽縣北酈注引闕駟

說又謂東北流得獻水口皆誤庾仲雍云獻水南至

關城合西漢水蓋泉街獻水二源均在嶠冢之北西

入嘉陵江與漢無涉也又十五里至蔡壩秦蜀後記

渡沮口食蔡壩又十五里曰青羊驛宋總管楊世安

屯軍大安曾遣士卒于此牧羊因得是名中有橋閣
跨水水出潭毒山南流入漢潭毒山在沔縣西八十
里明一統志潭毒關在潭毒山上下瞰大江路皆滑
石登陟頗艱爲蜀口之險要下有深潭宋史紹興三
年金撒離喝入與元劉子羽調吳玠兵守仙人關而
自保潭毒築壘山上以是山峻拔寬平且有水也壘
方成金兵猝至距營十數里子羽坐胡床不動諸將
泣曰此非待制坐處子羽曰子羽今日死于此敵尋
以糧餉不繼引去子羽出師掩擊其後大敗之又十

里至金堆舖有金堆山十里至打火店一名長木村

十里至大安驛卽唐之三泉縣也有土城廢址宋置

大安軍元至正三年改大安縣尋廢寰宇記三泉縣

城東門外瀕江石上三泉品列縣因以名蘇廼經三泉路作云

二月松作花春行日漸斜竹妨山鳥路藤沒野人家
透石飛梁下尋雲絕磴餘此中誰與樂揮淚語年華
王士正大安驛云舉確三泉縣坡陀一徑開江流沮
口合風雨沓中來漢相經營地氏王駕馭才西窮嶠
冢盡節使亦雄哉宋高稼寶佑中守沔州元濶端至西池谷

吏民議退保大安稼曰今日之事有進無退不然則
無蜀矣乃議制置使趙彥呐進據蜀口稼畱守沔元

兵至力戰死驛南即沔漢交會處也沔水出寧羗北
 鮒嶠山有洞深不測水從中出俗謂之大魚洞洞口
 有石鐘石鼓扣之有聲遇旱則土人入洞祈禱取水
 并擊洞口鐘鼓甘霖立沛山海經所謂漢出鮒嶠山
 是也東南流三十里與道陵溝水合道陵溝水出陽
 平關東南流九十里合沔水又六里逕大安驛南入
 漢大安驛南五里龍門山宋蘇元老有記刻石放翁
 有遊三泉龍門及自三泉泛舟至益昌等詩王漁洋
 謂沔沮之間不可行舟唯略陽至陽平關舟楫可通

廣元昭化去三泉尚六十里

十三日循漾水而西十里至烈金壩一名金牛驛陸

金牛道中遇寒食云乍換春衫一倍輕况逢寒食十
 分晴鷺穿驛樹惺惚語馬過溪橋蹀躞行畫柱綵繩
 喧笑樂艷粧麗服角解明誰知此日金牛道非復當
 時鐵馬聲又曉發金牛云客枕何時穩匆匆又束裝
 快晴生馬影新暖拈花房沮水春流綠即秦人置石
 嶓山曉色蒼阿瞞狼狽地千古有遺傷即秦人置石
 牛處也有路四達東入沔縣南通寧羗西走陰平北
 向陽平關明初太祖命傅友德伐明昇論之曰蜀入
 閬我西伐必北阻金牛宜出其意外直擣階文蓋金
 牛入蜀之正道陰平入蜀之間道間道必自階文正

道則由寧羌也路旁有漢水之源碑西南卽嶓冢山也禹貢嶓冢導漾東流爲漢後魏地形志華陽郡嶓冢縣有嶓冢山漢水出焉括地志嶓冢山在梁州金牛縣東二十八里地理今釋嶓冢山有二一在陝西漢中府寧羌州北九十里東漢水所出一在鞏昌府秦州西南六十里西漢水所出二山南北相去三四百里而支脈隱然聯屬郡縣志所謂隴東之山皆嶓冢是也禹貢錐指曰泉始出山爲漾東南流爲沔水至漢中東流爲漢易氏曰漾水東流百八十里經興

元之南鄭縣名漢水黃氏曰漢有沔漾之名皆東漢水也地理志西漢水出西縣嶓冢山南入廣漢白水蓋潛漢也經不著所出自古皆以爲東西兩漢俱出嶓冢則或然矣而西漢固無沔漾之名地理志漾水出隴西氐道至武都爲漢武都東漢水受氐道水名沔是則沔漾俱爲東漢也獨氐道武都脈絡不通川渠阻隔武都受漾爲不可據而桑欽遂徙氐道漾水爲西漢之源由是愈紛錯酈道元委曲遷就通之以潛伏之流證之以難驗之論更覺齟齬故當盡廢諸

說而一之以經文杜佑通典秦州上邽縣嶓冢山西漢水所出經嘉陵曰嘉陵江經閬中曰閬江漢中金牛縣嶓冢山禹導漾水東流爲漢水亦曰沔水其說爲可據渭按嶓冢見導山魏地形志華陽郡嶓冢縣嶓冢山漢水出焉元和志嶓冢山在興元府金牛縣東二十八里漢水出焉經南鄭縣南去縣一百步禹貢嶓冢導漾東流爲漢是也南鄭今陝西漢中府治其故城在今府城東北嶓冢故城在今沔縣白馬城東南五里上邽故城在今鞏昌府秦州西南金牛舊

縣在今漢中府寧羌州西北其嶓冢山在今沔縣西南接寧羌州界又云陸氏游曰嘗登嶓冢山有泉涓涓出山間是爲漢水之源此務觀入蜀塗歷金牛日驗而得之涓涓細流安國傳所謂泉始出山爲漾水者也新城王尙書士正典試四川著蜀道驛程記其言嶓冢最爲詳覈記曰出沔縣西門曲折行亂山中沔水流經其中略如棧道但山痺無林木沔流舒緩不及褒水湍悍耳西涉沮水抵大安驛有土城廢址宋置大安軍沔沮之間澗者未丈許狹者才二三尺

雲水紀程 卷四
沙石磷磷深不沒蹠自大安西南亂山益稠至金牛
驛北望見嶓冢山峩然雲表一小水自西東流卽所
謂嶓冢導漾者也水纔濫觴不沒鳧雁合五丁峽水
東流爲沔其流始大金牛驛西三里稍南入五丁峽
一名金牛峽峽口懸崖萬仞陰風颯然水自峽中噴
薄而出寧羗州在亂山中無城堞本沔縣羊鹿坪地
明洪武中以山寇作亂置寧羗衛于此成化中卽衛
建州治自州行十里渡水過百年關寧羗西四十里
係牢固關漁洋
誤關下有分水嶺嶺東水皆北流至五丁峽北流合

漾水入沔嶺西水皆南流逕七盤關龍洞合嘉陵水
爲川江常璩言沔出嶓冢合白水爲西漢明與導漾
之文相悖按通典嶓冢山有二一在天水上邽一在
漢中金牛雍大記云西漢水在西和縣源出嶓冢山
西流與馬池水合此乃上邽之嶓冢在今秦州又云
漢江源出沔縣嶓冢山東流入金州此乃金牛之嶓
冢知嶓冢有二則東西二漢源流各自了然漾之與
沔本爲一流與隴西之嶓冢都無交涉常氏之誤可
不辨而明矣公使車閱歷較陸氏所得更詳且大有

裨于經學故掇其要著于篇以今輿地言之漾水出寧羗州北嶓冢山東北流逕沔縣西南合沔水又東逕沔縣南又東逕褒城縣南又東逕南鄭縣南爲漢水經所謂嶓冢導漾東流爲漢者也又東逕城固縣南又東逕洋縣南又東逕西鄉縣東北又東南逕石泉縣南又東逕漢陰縣南又東逕紫陽縣南又東北逕興安州北又東逕洵陽縣南又東逕白河縣北又東逕鄖西縣南又南逕鄖縣南又東逕均州北經所謂又東爲滄浪之水者也又東南逕光化縣西南又

東南逕穀城縣東北又東南逕襄陽縣北又東南逕宜城縣東又南逕鍾祥縣西又南逕荊門州東又東南逕京山縣西南又東逕潛江縣北又東逕景陵縣南又東逕沔陽州北又東逕漢陽縣北又東至大別山折而南是爲漢口經所謂過三澨至大別南入于江者也漢志云東漢水一名沔過江夏謂之夏水入江又云沮水南至沙羨南入江過郡五行四千里蓋曲莫如漢故所行有若是之遠也愚按漢水之源有三一出嶓冢山南牢固關下名漾水因水滌洄而東

又名涇水河逕寧羗州城北名養河養卽漾也漢志禹貢養水所出至武都爲漢是也今俗猶謂之養家河又東北穿金牛峽逕烈金壩有水自西南山脚流入蓋漾水之枝津也又東流至大安驛南與沔水合孔安國謂漾水東流爲沔蓋與沔合也又東流逕青羊驛南至沮口與沮水合又東流至南鄭名漢水卽禹貢所謂東流爲漢者也一出嶓冢山北大魚洞名沔水卽山海經所稱漢水出鮒嶠山是也一出略陽南沮縣故城東狼谷名沮水卽水經所稱沮水出武

都沮縣東狼谷中是也同爲漢水之源東南流注於江經旣載導漾之文則敘漢水者應以漾爲源而以沔與沮附之水經旣混沮爲沔華陽國志又以沔爲西漢水其失遠矣闕駟謂初出沮沔然爲沮毛晃則謂沔爲流滿貌與詩傳同夫泉之始達爲沮沔水之所到爲流滿天下皆然豈能盡謂之沮沔乎經于導漾下曰東流爲漢爲滄浪爲之云者同爲是水而因地異名之詞也至沔與沮各有水源井井可考諸家議論琴如均不能確指其所以然由未按脈稽源細

究其實也隴蜀餘聞寧羌州嵒冢山下有大禹廟僅存茅茨一間有嘉靖二十二年重修祠記碑監察御史閻中舒鵬翼撰文頗條暢惜其將泐錄于左方云當堯之時洛水滔天民遭陷溺茹毛飲血厥食維艱堯有憂焉舉禹治之俾繩鯀業禹自冀州梁岐岳陽覃懷至于衡漳又自積石龍門壺口雷首砥柱析城至于王屋又自嵒冢荆山內方大別衡山敷淺雲夢至于彭蠡蓋不敢墜塞汨亂以取震怒故浩浩蕩蕩東注江海禹可謂智矣禹傷先人鯀以功不成坐誅

廼手足胼胝居外十三年過門不入生啓不得子惡衣菲食陸行乘車水行乘船泥行乘橇山行乘櫓日孳孳排決濬淪弗遑寧處可謂孝矣方其隨山采木鬼神龍蛇護惜巢穴作爲妖怪風沙晝暝迷失道路禹乃仰空咨嗟俄見上帝授以太上呼召萬靈之書且令其臣狂章虞餘黃魔大費庚辰童律爲之助由是能呼吸風雲役使神物竟得開鑿之志禹可謂神矣四隩旣宅九州攸同棄得以播百穀契得以敷五教垂得以司百工皋陶得以明五刑伯夷得以典三

禮后夔得以正五音龍得以主賓客任土作貢勞而不伐禹可謂功矣是故天錫洪範舜禪帝位致舜倫之攸敘會諸侯于塗山而下民底定萬世允賴孔子曰禹盡力乎溝洫吾無閒然矣劉定公曰洪水橫流微禹吾其魚乎嗚呼禹之功史雖載之而不知其由于孝禹之智人能言之而不知其由于神合智與神謂之聖合功與孝謂之德德且聖庶幾其記禹哉復作九歌俾土人誦之以侑饗祀歌曰泝水傲堯兮泛濫國中四岳薦禹兮俾爲司空禹治水兮注之東○

力拯橫流兮爲民粒食言乘四載兮勞身焦思克蓋前愆兮萬世之利○聲爲律兮身爲度其言可信兮其仁可附庶士交正兮底慎財賦○不自滿假兮拜昌言聲教訖兮奠黎元水土平兮生齒繁○洛出書兮錫九疇通九道兮開九州壘壘穆穆兮六府孔修○娶塗山兮辛壬啓呱呱兮何心荒度土功兮五服彌成○膺歷數兮帝命赫泣罪人兮痛自責舞干羽兮有苗格○輯五瑞兮建皇極朝玉帛兮會萬國戮防風兮明黜陟○宅百揆兮股肱良敷文命兮庶事

康于堯舜兮大耿光又二十里至寬川舖山勢平行

人家自成村聚李化楠寬川舖云此身絕少安穩處

平沙十里散雲樹蜀道登天傳自昔我行已見六

度得平回願險不惡那復徘徊生畏怖羊腸叱馭本

尋常孝子忠臣稱亦誤闕世方知處世難人情險巇

甚于路但令遵道盡平康莫教張狂失故步嗚呼安

得雲棧盡化作寬川居民齊向此中住李調元寬川

舖云寬川忽不寬仄身入巉巖兩壁磨蒼蒼仰見天

在管涓涓何處泉清可濯苔蘇流沫不成輪空雷石

上轉古洞吐秦雲綫路盤蜀棧行乎忽愁思橫降欲

盡剷胡為披蒙叢犖角走成踟乃嗟化工奇陰陽自

結撰聞代通人力大道歸平坦金牛事有無付之一

笑又五里至五丁峽一名龍洞兩山石壁屹立如門

上刻洞雲溪月四字漾水流經其中宋祁題三泉龍洞云蚪洞聳雲

峰緣虛一綫通雲披雙壁做樹補半岩空櫛竹森烟

轟飛泉曳玉虹重蘿不肯晝陰壑自然風嶺斷天斜

碧崖傾日倒紅浮邱邈難遇雷恨翠微中周文樸金

牛洞云凌競下危梯俛偃入深穴回身避雲霧偃面

眇日月藥苗護谿訝竹根森巖岫安知幽蹊下有此

大奇絕金牛鏹光景仙牒尚可閱岡頭春已半枸杞

如點血便恐顛風華陽國志周顯王之世蜀王有袞

漢之地因獵谷中與秦惠王遇惠王以金一笥遺之

蜀王報珍玩之物物化為土惠王怒羣臣賀曰天奉

我矣王將得蜀土地惠王喜乃作石牛五頭朝洩金

其後言牛便金蜀人悅之使請石牛惠王許之乃遣

五丁迎石牛既不便金怒遣還之乃嘲秦人曰東方

牧犢見秦人笑之曰吾雖牧犢當得蜀也

楊慎五丁峽舊傳為

力士開山之地據史秦用張儀司馬錯之謀以珍器美女賂蜀侯而取之小說傳疑可也因賦詩云峽形千仞立蒼顏開闢從來有此山自是美人傾絕國不緣壯士啓重關蔡蒙早入梁州貢庸蜀曾陳牧野問謠俗流傳難借問丹青遺跡尙班班王士正五丁峽云南窮石牛道巖巖下雲棧三日招我魂足踣目猶眩豈知東益州耳目益奇變始過金牛驛穆嶠已凌亂漾水從北來劣足泛鳧雁舉頭過金嶓峩倚倚天半大哉神禹功從此導江漢漸入五丁峽論說駭聞見斗壁何猗猗十萬磨大劍亂山殷峽中鮫蜃喜瀾汗仰眺絕圭景俯聆競雷柝九鼎鑄神姦到此百憂患東方牧犢兒竟使垂叢判我行忽萬里風土異鄉縣身落大荒西終賴皇天眷咄咄復何言艱虞一身賤又雨度五丁峽云徼外蕃王國荒荒巨峽侵龍居三洞秘熊館四時陰竿馬何年度金牛此路深五丁虛斧鑿愁絕畏登臨彭端淑金牛峽云鬱鬱陰風號

稜稜石角銳鱗鱗斧鑿哀嶢嶢兩崖際危徑碍行車

竹杖方漫曳蒼藤挂狝猿古木藏鷓鴣俯仰天地窄

黥黥日月蔽不因金牛貪中外至今閉悲哉蜀

何愚一雨不再世惟有五丁功與峽長弗替

周慎

王五年秋秦大夫張儀司馬錯都尉墨等從石牛道

伐蜀蜀王于葭萌關拒之敗績遜走武陽為秦軍所

害蜀道驛程記薛文清公云蜀在禹貢為華陽黑水

梁州之域其通道中國久矣世傳惠王以金牛詐蜀

使五丁開此峽繆妄不稽自峽口至五丁關十里山

如斧劈峭壁凌空步步懸縲而上下峽亦如之傳稱

此峽為蜀道第一險信然

李化楠五丁關云雷風震蕩鬼夜哭壯士奮怒山為

却手擎鐵崖兩扇開神功不用施椎鑿美女金牛事
 有無天教破險通秦蜀迤邐峽盡見雄關關封峽口
 如泥九造化澗液相綴補搏沙櫻土堆蒼巒我行觀
 山心已厭惟有茲山看不勸沿溪翠篠綠沾衣匝地
 野花紅拂面良牧有意誇山靈標題舊跡建茶亭當
 年若無霹靂手至今何人識五丁李調元五丁關云
 誰能持大斧劃破萬古石礪破刮一聲乾坤忽中坵
 至今鐫確痕似見巨靈擘漾水走其下日夕相瀟灑
 嶠家失天險連山斷根脈我馬立層巔望見劍南關
 暗雷走空山鎮日驚辟易秦蜀何年通呼吸此其隔
 嗟嗟善哉行又十五里下山至滴水舖有水出山凹
 恨無生身翻又十五里下山至滴水舖有水出山凹
 西南流路逕隨水而轉時東時西每遇猛雨則行客
 阻滯俗謂七十二道脚不乾是也李調元滴水崖回首
晨趨滴水崖回首
 矢平曠披榛入幽仄漸聞山溜嚮叢篁蔽白日老木
 偃蹇嶙峋窳窳窳蹉跎迷離走翹翹鳥飛低可拱魚細

不任網彎環似無路奔崖忽軒敞危哉一石懸怒將
 撲人頽峻闌巧扶持人反出岩上我家有小園一別
 付遙想安得遂米瘠供吾寶晉又十五里至浣石舖
賞千夫輦不辭一轡願百兩
 又十五里至寧羌州本宋沔州羊鹿坪地明置寧羌
 衛後升為州明末流寇小紅狼據之又經獻賊之亂
 城郭為墟王士正寧羌州云威遲辭北關浩蕩賦西
征天險金牛峽悲歌猛虎行岷峨連雨氣
 沔漢走江聲三戶遺民在蕭條見廢城張謙宜寧羌
 州云荒草離離不見城漢中猶隸舊州名路傍官廨
 多因寺亂後人家盡是兵燎火當門防虎過編樓補
 屋待天晴我來正值連宵雨愁絕三更濕鼓聲董新
 策寧羌道中九日云馬首關山換物華授衣時節尚
 天涯輕霜徧醉千林葉細雨微香九日花北雁聲中
 人自語西風帘外酒誰賒棧行唯有登高便鳥道盤
 空石磴斜又登寧羌云急雨中宵夢不成單車侵曉

度重城臨溪屋但三家聚負郭田剛十里平飛瀑忽
 從岩罅落斷雲多傍樹根行油衣客自吟紅葉只少
 黃筌為寫生許儒龍途次寧羌州云山城斗大半城
 荒勝國會經幾戰場破瓦頽垣堪憚處路人猶說小
 紅今國朝定鼎百廢俱興雉堞巍然為川陝鎖鑰
 重地矣

雲棧紀程卷四

